

Զանգեզուրում տասնակներ XIX դ. վերջերում կազմվում էին միայն հողաբաժանության ժամանակամիջոցի համար և կորցրել էին այն հարատև տնտեսական, հարկաբաշխական և վարչա-նստիկանական լիազորությունները, որ նրանց հատկացվում էին պարսկական տիրապետության օրով: Նրանք որոշ չափով պահպանվում էին նախկին Երևանյան նահանգում, առավելագույն ռոտզական տնտեսություն վարող գյուղերում, նաև ուսական իշխանության հաստատվելուց հետո²⁹, երբ նրանց լիազորությունների մի մասը անցավ նորընտիր գյուղական մարմիններին: Մինչև XX դ. սկզբները Երևանյան գյուղերում բացի հողերի վերաբաշխումից դադարաչիններ կարգավորում էին նաև առուների ջրի բաշխումը տասնակի անդամների մեջ և որոշում էին ջրի օգտագործման հերթը, պետական տուրքերի, ինչպես և հասարակական պարտավորությունների բաշխումը— ձի, սալ և այլ փոխադրական միջոցներ պետական պետքերին ներկայացնելը, առուների և ճանապարհների նորոգումը և այլն: Զանգեզուրում տասնակների ներկայացուցիչներն այդպիսի լիազորություններ ունեին մելիքների և խանների օրով: Հայտնի է, որ դադարաչիններ մասնակցում էին գյուղի ֆօխվայի հետ գյուղի դրամական տուրքերի և պարտադիր աշխատանքների բաշխմանը մի քանի գյուղերում նույնիսկ մինչև XIX դ. վերջերը և XX դ. սկզբները: Այդ բաշխման համար գումարում էին բոլոր վճարելիքները, թե՛ պետական, թե՛ հասարակական և թե՛ պատահական ծախքերը, և բաժանում էին հավասարապես բոլոր հարկատու միավորների միջև: Որպես միավոր մեծ մասամբ ընդունվում էր կլրծիւր, որով ղեկավարվում էին նաև հողաբաժանության միջոցին, ավելացնելով սակայն մի-մի գլուխամեն մի ծխի գլուխների թվի վրա: Ռուսական գյուղական օրենսդրությունը նոր մարմիններ ստեղծելով գյուղի ներքին կառավարության համար՝ բոլորովին նսեմացրեց տասնակետների դերը այդ կազմակերպության մեջ. առավել ևս, որ հողաբաժանության գործն էլ այդ միջոցին շատ և շատ բարդանում էր, քանի որ խոշոր գերդաստանների քայքայման հետևանքով մանր տնտեսությունների թիվը աճում էր: Դրա հետ ղուգրնթացաբար ավելի և ավելի մանրանում էին հողաբաժաններն և ավելի խճճվում էին նրանց տների միջև հաստատվող փոխհարաբերությունները: Տասնակային սիստեմը արդեն չէր բավարարում նոր պահանջներին և դադարաչիններ տեղի տվին համայնքից ընտրված երե մարմինների առջև, որոնք ղեկավարվում էին հողաբաժանության միջոցին այլ սկզբունքներով: Սակայն մինչև սովետական կարգերի հաստատումը գյուղի սեփականություն կազմող վարելահողերի և արոտավայրերի ամբողջ տարածությունը, ջուրը, կավահողերը, բնական բուսականությունը և վայրի կենդանական հարստությունը գտնվում էին համայնքի բոլոր անդամների հավասար տրամադրության տակ—մի իրավական դրություն, որը հատուկ է արյունակցությանը իրար հետ շղկապված տոհմից ծագած համայնքին:

Այդ նույն ծագումն ունի և ամբողջ համայնքի բարոյական պարտականությունը՝ իր չբավոր անդամների մասին որոշ չափով հոգատար լինելու: Բոլոր գյուղերում բացի հնձից հետո արտում մնացած հասկերը հավաքելուց, որը պիտի բաժին թողնվեր մեկ-երկու ամիսների ընթացքում չբավորներին և այդ պատճառով այդ ժամանակամիջոցում արգելվում էր այդ հնձած արտի

²⁹ Егуазаров С. А., Административно-экономический строй сельской общины в Эриванской губернии (Свод материалов по изучению экон. быта гос. крестьян Закавказья), т. I, էջ 34—36):